

## (46)emîn salvegera şewata sînemeya Amûdê

### Selah Bedredîn

Li Qamişlo, bawer dikim di pola yekem paş navendî de bûm, di dibistana Urûbe a navdar de ku heta niha jî heye, û di eynî wext de ,ez endamê Komîteya rêxistina Partiya Demokrata Kurdistanê di nav xwendekaran de bûm, angu komîteya berpirsiyara dibistan û xwendekaran.

Roja 13/11/1960 karesata sînemeya Şehrezad li Amûdê çêbû, me bi şev bihîst ku bûyerek li Amûdê qewimî ye, roja 14-ê mehê, em sibehê zû hatin xwendingehê , min ew hevalê xwe yê di komîteya berpisa xwendekaran ya partiye de hevdû bi lez dît û me got dive ku em biçin Amûdê, û alîkariya xelkê lêqewimî bikin.

Li xwendingehên Qamişlo wê çaxê-niha jî-çavdêr hebûn, çavdêr helbet ji aliyê alavên ewlekariyê ve dihatin destnîşankirin, belam di eynî wext de mamoste bûn , hingê Hisên Hecî Hisên çavdêrê me bû (piştê bû parêzger paşê jî bû wezîr) girêdayî saziyên ewlakariyê bû. Ez û du hevalan em çûne nik wî da ku rêdanê jê bixwazin, me got ku merivên me li Amûdê hene dive ku em herin wir, lê me dît ku ew dizane ku bûyer qewimî ye, û hîç bibandor nebûye . Hisên ji me re got nabe hun biçin, qedexe ye û divê hun dewama xwe bidomînin, lê me biryar da û em çûne Amûdê. Sibehê em gihiştine wir , bihna goştê biraştî ji Amûdê dihat, paşê em çûne sînemeya wê bi sedan û bi hezaran xelk hebûn, term û cendekên zarokên şewitandî diguhastin û dibirin mizgey û malên mezin da ku dê û bav zarokên xwe binasin, em du rojan li wir man ji ber ku di rojekê de veguhastin bidawî nebû.

Birêz Fûad jî behs kir aspektên teknîkî yên bûyerê û yên din, em pêwîst dibînin awireke siyasî li meselê binerîn angu ew rûdan anjî karesat di çi rewşên siyasî de pêkhat? Bê guman çi tiştê bi serê milletê Kurd tê berê û nuha herdem şik û guman li dora wê çê dibin ku ji encama pîlanakeke regezperestî be, ev şik ji aliyê kurdan ve herdem heye ji

ber ku Kurd milletekî bindest û sitembar e, dijmîn bê ewle ye û pîlanên wî yên şovonist hene , bi rastî jî ji ber vê yekê herdem guman heye lê em bêbextiyê li tukesî nakin divê em bidin diyarkirin di çi rewşeke siyasî Kurdî û Sûrî de ew rûdan qewimî.

Di wî wextî de weke tê xuyakirin, destpêka danîna pîlanên şovonist li dijî milletê Kurd dihatine amade kirin ji ber çi gelo? Wî wextî Partiya Demokrata Kurdistanê li Sûriyê hebû heta sala 60 jî navê hizb Partiya Demokrata Kurdistanê-Sûriyê bû , di bernamêya wê madeya yekê dibêje: yek ji armancên Partiya Demokrata Kurdistanê-Sûriyê rizgarkirin û yekkirina Kurdistanê mezin e. Helbet Partiya Demokrat yeka neteweyî bû diyare ku bandora Xoybûnê li ser raman û ideoljîyaya wê hebû, vî tiştî şovonistên ereb ditirsandin bi rastî, berî ku Partî Demokratî Kurdistanê çêbibe, li nav komelgeha Kurdî de partiya Komunist û Birayên Misilman hebûn-Bessî hebûn lê kêmebûn -lê , eger wekû jimar mirov bibêje berî partiya Demokrata Kurdistanê, Komunist serdest bûn di gorepana Kurdî de. Piştî Partiya Demokrata Kurdistanê çêbû bi rengê modern û hevdem û bi progiramekî diyar û zelal, piraniya kurdan li dora wê civiyan, û bîreweriyê neteweyî bi germî û bi xurtî pêkhat di wî wextî de. Di heman demê de, weke em tev dizanin Barzaniyê nemir vegeyriya Iraqê, şoreşa Temûzê çêbû, û em herdem jî dibêjin ji ber meseleya cografî û rûhî tevgera siyasîya Kurd li Sûriyê gelekî bibandor e ta îroj jî bi Kurdistanê Iraqê ku wekû navendeke neteweyî tê hijmartin û dîtin, vegeyriya Barzaniyê nemir û vêketina şoreşa Temûzê jî bandoreke mezin di vî warî de kir. Her weha, tirseke mezin ji şovoniyên ereb li Sûriyê re peyde kir tevî tîrsa ji hişmendiya neteweyî a ku me got ku bi germî û xurtî wê demê hate pedeykirin. Di wê çaxê de, şovonist ramiyan ku wexta dewleta Sûriyê

azad bûye Kurd ne di destûr û ne di yasayê de nehatine bibîranîn û hatiye inkarkirin lê em temaşe dikin ku tevgera Kurd jinûve destpê dike, ramiyan çareseriyekê bikin vêce di wê demê de xwe amade kirin hin pîlanên taze deynin ji bo rê li ber tevgera siyasiya Kurdî bigirin. Di wê çaxê de, diyar bû weke mînak wezîrê derve Sûriyê Esed Mehasin daxuyaniyeke zor xeter da wekî agahdariyekê ,tê de dibêje diyar e dewleteke Kurdî li Cezîrê çê dibe, Kurd ji Tirkiyê bi dizî hatine û li Cezîrê bi cî bûne, dixwazin kiyaneke Kurdî li wir ava bikin. yek ji wan agahiyên ku di wî wextî de berî sala 1960î, piştê yekî din hebû şovonist û neteweperest bi navê Seîd Seyd wî jî rojane daxuyanî didan û di rojnameyên Sûrî de agahî belav dikirin û digot biveyeye Kurdî heye.

Bê guman e ko ,li her welatekî di navbera kesayetî û hêzên siyasî de rikeberî heye, her yek servekirinan dike, tiştêkî wiha jî li nav jîngehên şovonist li Sûriyê wê çaxê hebû, ev hemî bi hev re bûne sedema ku hindêk pîlanên taze li dijî tevgera siyasiya kurdî werine danîn. Ew pîlan rengêkî parastinî, ewlekarî, siyasî û rewşenbîrî hebû ,weke diyar e Mihemmed Teleb Hilal hingê xerîk bû rapora xwe dirust bike, Mihemmed Telb Hilal di sala 1961ê de rapora xwe tewaw kir angu, berî wê demê, di salên 1959an de destpê kiribû heta ku sala 1961ê hate çapkirin û bi nehênî hate belavkirin, tekez e ko Hilal ne jiberxwe ve ev tişt kir, ew hatibû teklîfkirin bi rengêkî fermî ko lêkolînekê bike bi taybetî li herêma Cezîrê derbarê pirsên mirovî, civakî û cografîk dîrokî...htd, ji ber ku wan bi hûrbîni danûsitandin bi pirsgerêkê re kirin, piştî wê, wî lêkolîna xwe derxist a ku bû nimûneya şovonistên Sûriyê û bûye weke destûrê şovonistan û ew heta niha jî li ser wê rêçîkê ne.

Di heman demê de, sebareti pirs ewlekarî û parastinê, kêşeya Kurd bû beşek ji pîrsa ewlekariyê, ne pîrseke siyasî ko divê di riya istixbarat û alavên ewlekariyê de bête çareser kirin û destpêka vê proseya hanê avakirina-Mekteb Tanî-(nivîsingeha diwemîn), di wextê Ebdilhemîd Serrac de bû

dema yekîti di navbera Sûriyê û Misirê de çêbû, sala 1958an , -Mekteb Tanî- pir dijwar bû yetkiyên wê zehf bûn, gelek tiştên mîna êşkencekirinê ne tenê li dijî kurdan lê li dijî ereban jî (mirovê ereb Ferecellah Hilû li ser destê Mekteb Tanî bi esîdê hate helandin) angu -Mekteb Tanî-dest bi karê xwe kir wekî nimûne efserekî gelek navdar kolonel Hikmet Mînê bû berpîrsê -Mekteb Tanî- li Qamişlo, gava ku sînemeya Amûdê hate şewitandin Hikmet Mînê li Qamişlo bû , Kurd gelek di wê demê de ji navê Hikmet Mînê ditirsyan û dema navê wî dihat gotin xelek dilerzîn. Reşîd ê Kurd jî mirovekê neteweperest û komunist û çepger lê giring ew Kurd bû wê demê hate girtin û êşkencekirin di wextê Hikmet Mînê de, ew li kerê siwar kirin û tiştê seyr anîne serê wî. Her weha, Hikmet Mînê hewil da ku di navbera êlên Kurd û ereban de fitneyan peyde bike bi taybet Şimmer û Tey heta ku hindêk bûyer di navbera êlên Kurdan û Şimmeran de pêkhatin jî, û niha zarokên Dehamê Hadî xeric in hindêk agahiyên taze anjî veşartî eşkere bikin ko ew rûdanên wê demê ji ber fitne û pîlanên ewlekariyê bûn. Gelek xebatkarên Kurd ji ber destên -Mekteb Tanî- revîyan û hindêk ji wan penaberî Kurdistana Iraqê jî bûn-Cegerxwîn yek ji wan bû-. Diyar bû wê çaxê li nik -Mekteb Tanî-reaksiyonyek çêbû nexasime ji layê Ebdilhemîd Serrac ê ko hewilda ku Partiya Demokrata Kurdistanê-Sûrî bixe bin hembêza xwe de lê serkirdayetiya Partî qebûl nekir û li ber xwe da heta ew di salên 60 û 61an de hatine girtin jî, lê weke me got serokatiya partiyê ev tişt bi piranî retkir û daxwaza Cemal Ebdilnasir hebû ko Kurdan bike dostê xwe li hemberî Tirkiyê û hevpeymanan-Sento-, ji ber ku Nasir bi rengêkî stratîcîk li pirsgerêkê temaşe dikir lê zebaniyên wî li Sûriyê bi rengêkî din pirs birêve dibirin, û serokatiya partiyê qebûl nekir bikeve bin baskên-Mekteb Tanî-de, ew reaskiyon bû ji ber wê jî sedemek hebû ku bihtir kurdan bi eşînin, çavên wan bişkinin, û teedê li wan bikin.

Divê bê gotin ku, -Mekteb Tanî- karîbû di wî wextî de cara yekê girûp in Kurdî bixe bin

hembêza xwe de,ta niha ew girûp berdeyam in lê bi regekî dinê,wê çaxê şepolek ji Partiya Demokrata Kurdistanê-Sûriyê girtin,helbet şepoleke kê m û piçûk bû û bê bandor bû lê şepola din weke Nûredîn Zaza û Osman Sebrî ew nîşê berî me bi mêranî û mêrxasî li hemberî van pilanan rawestiyân lê şepolek di nava tegvera siyasiya Kurd de peyde bû heta niha berdeyam e ji wî wextî despê kir.

Pilaneke din jî ew bû ku melayên ereb dianîn û ji dêvla melayên Kurd li Cezîrê bicî dikirin,tê bîra min melayekî ereb wê demê anîne gundê me Cummyê jî,û roja hat bi erebî axift paş ku çû xelkê got me tiştek jê fam nekir!û hikûmetê çîrokbej jî dişandin deverên Kurdnîşîn bi armanca belavkirina zimanê erebî ev tev di wextê -Mekteb Tanî-de bû ,fişar li zimanê Kurdî dikirin û li şêxên kurdan jî.Di warê hunerî de jî,Ûsivê Çelebî wê demê hebû tembûrvanekî bi nav û deng bû,bi jehirê mir tê gotin ku -Mekteb Tanî-li paş bûyerê bû.

Di bin saya van rewşên siyasî û ewlakarî yên behskirî,karesata Amûdê pêkhat.angu,pirsgirêk ne teknîkî anjî qezaûqeder bû,armanca sereke ya vê rûdana diltezîn şovonist û regezperestî bû, dixwestin ku çavên milletê Kurd bişkinin û sûtandina 300 zarokî û weke wan birîndar ne hijmareke kê m e di wê qonaxê de,tevî mixabin,ko ti belge û dukument di nav destên me de tune ne!Dibe ku gumana me ko pilaneke şovonist li paş bûyerê heye ji ber rûdanên din ko piştê hatine qewimandinê.wekû mînak 24ê Avdara 1993an,li bendîxaneyê Heseke 2 zinadan ku 60 kesên Kurd tê de bûn û hatine şewitandin,5 kes teklîf kiribûn piştî hefteyê her pênc wekû tawanbaran bidarvekirin,helbet ew ji aliyê ewlekariya serbazî ve hatibûn teklîf kirin.Sedemê bûyerê jî nakokiyek di navbera du girûpan de li Dirbêsiyê pêkhatibû yek ji wan kurdên bazrigan in û a din jî Suryanî bûn û têkiliyên wan yên taybet bi lîwa Mihemmed Mensûre re ko niha efserekî mezin e di ewlekariya Sûriyê de û berê berpîrsê ewlakariya Qamişlo bû.Diyar bû ku Mensûre dixwest di rîya

şewitandina bendîxaneyê de tola dostên xwe vegire!

Bûyerê din jî ko gumana me pirtir dike ew fitneya ko hewil didan pêkbînin li Qamişlo sala 2004an, tevî ku rabûna milletê Kurd bi mêranî û berxwedana wî a bêhempa pilan li xwediyên wê vegeand.Helbet, kurdan weke hercarî qurbanî dan dora 40 mirovî hate şehîdkirin û bi sedan birîndar û bi hezaran girtî û penaber ku hindêk ji wan anuha li vir hazir in.Ev jî destê Mensûre tede hebû.

Tiştê din jî terorkirina şêx Maşûqê Xiznewî mirovê olperest û neteweperest û dûrî alavên ewlakarî û istixbaratan bû tiştê ko bû sedema pilana kuştina wî were danîn,Angu ev hersê bûyerên navbirî dihêle gumana me derbarê karesta Amûdê zêde bibe ko bi heman mentalîteyê hate qewimandin.

Piştî amadekirina dadgeha navneteweyî a taybet bi doza Herîrî, hinek Kurd anuha belge û dukumentan berhev dikin bi armanca girêdana dadgeheke navneteweyî anjî dema guherîn li Sûriyê pêk were dadgeheke Sûrî dikare van pîrsan tevan bersiv bide,û sizayê bide bi tawanbarên van bûyer û rûdanên navhatî wan bikin.

**Hêjayî gotinê ye ko, --Mekteb Tanî-- karîbû di wê çaxê de cara yekem girûpên Kurdî bixe bin hembêza xwe de heta niha jî ew girûp berdeyam in lê**